

დადგენილება #ე.პ. 0611-25
გაფრთხილების სახით ადმინისტრაციული სახდელის
დადების შესახებ

თბილისი

23 იანვარი 2025

1. დადგენილების გამომტანი ორგანო (თანამდებობის პირი):

ს/ს „ენერგო-პრო ჯორჯიას“ სათაო ოფისის ადმინისტრაციული სამართალდარღვევის საქმის განმხილველი კომისია, კომისიის თავმჯდომარე ნინელი ბოჭორიშვილი

2. საქმის განხილვის თარიღი: 2025 წლის 23 იანვარი

3. ცნობები პირის შესახებ, რომლის მიმართ განიხილება საქმე:

შპს „ჩაომოტორსი 2024“

მდებარე, იურიდიული მისამართი: ხაშური, ნიკოლოზ გოგოლის ქუჩა #4

საიდენტიფიკაციო კოდი # 443874381

ფაქტობრივი ადგილსამყოფელი: ხაშური, სოფელი ოსიაური

4. საქმის განხილვისას დადგინდა შემდეგი გარემოებები:

2024 წლის 16 იანვარს, სოფელ ქვემო ოსიაურში დაფიქსირდა ელ.ენერგიის უკანონოდ მოხმარების ფაქტი, კერძოდ, აბონენტ #3810382890 (მომხმარებელი შპს ჩაომოტორსი 2024), აღრიცხვის კვანძის შემოწმების, დადგინდა, რომ შპს „ჩაომოტორსი“- დავალიანების გამო შეწყვეტილი ქონდა ელ.ენერგიის მიწოდება (შეწყვეტის ჩვენება 000937), თუმცა შემოწმებისას ჩართული იყო ქსელში (აღდგენის ჩვენება 001158) და მოიხმარდა ელ.ენერგიას. აღნიშნული კი წარმოადგენს სამართალდარღვევას, რაზედაც შედგა სამართალდარღვევის ოქმი ას №010171. შპს „ჩაომოტორსი 2024“-ს მიმართ 2025 წლის 20 იანვარს შედგენილ ადმინისტრაციული სამართალდარღვევის №010171 ოქმს ხელი მოაწერა ობიექტის წარმომადგენელმა, ვლადიმერ კურტანიძემ (პ/ნ57001012309), მან ოქმში, ახსნა-განმარტების გრაფაში, აღიარა სამართალდარღვევის ჩადენის ფაქტი და აღნიშნა, რომ

სს „ენერგო-პრო ჯორჯია“

მომხმარებელს დავალიანების გამო შეწყვეტილი ჰქონდა ელ.ენერგიის მიწოდება, დააზიანეს ბოქლომი და ჩართეს ელ.ენერგია ავტომატური ამომრთველით.

შპს „ჩაომოტორსი 2024“-ს მიერ ელ.ენერგიის მოხმარება აღრიცხვის წესების დარღვევით (სამართალდარღვევა) წარმოადგენს პირველ შემთხვევას, რაც დასტურდება საქმეში წარმოდგენილი შსს საინფორმაციო-ანალიტიკური დეპარტამენტის საინფორმაციო ცენტრის მიერ 2025 წლის 22 იანვარს ელექტრონულად გამოგზავნილი ინფორმაციით. საქმეში, ასევე, წარმოდგენილია 16.01.2025 წლის №A1475779 აღრიცხვის კვანძის შემოწმება-მიღების აქტი, რომლითაც ასევე დასტურდება შპს „ჩაომოტორსი“-ს მიერ ელ.ენერგიის მოხმარება აღრიცხვის წესების დარღვევით. ფაქტია, რომ ელ.ენერგიის თვითნებური აღდგენა მხოლოდ აბონენტის ინტერესში შედის. საქმეში დევს დადასტურება, რომ შპს „ჩაომოტორსი 2024“-ს ეცნობა საქმის განხილვის დროისა და ადგილის თაობაზე, სხდომაზე არ გამოცხადდა შპს „ჩაომოტორსი 2024“-ს წარმომადგენელი. გამოუცხადებლობის საპატიო მიზეზებისა თუ სხდომის გადადების თაობაზე სამართალდამრღვევს არანაირი განცხადებით არ მოუმართავს. ამდენად, კომისია უფლებამოსილია მისი დასწრების გარეშე განიხილოს და მიიღოს გადაწყვეტილება ზემოაღნიშნულ საკითხზე. ადმინისტრაციულ სამართალდარღვევათა კოდექსის 236-ე მუხლის თანახმად, ადმინისტრაციული სამართალდარღვევის საქმეზე მტკიცებულებას წარმოადგენს ყველა ფაქტობრივი მონაცემი, რომელთა საფუძველზეც დგინდება სამართალდარღვევის არსებობა/არ არსებობა, თუ პირის ბრალეულობა მის ჩადენაში. განსახილველ შემთხვევაში საქმის სწორად გადაწყვეტისათვის საკმარისი მტკიცებულებებია წარმოდგენილი (სამართალდარღვევის ოქმი; აღრიცხვის კვანძის შემოწმება-მიღების აქტი; შსს საინფორმაციო-ანალიტიკური დეპარტამენტის საინფორმაციო ცენტრის ინფორმაცია; აბონენტის ბარათი; ამონაწერი სამეწარმეო რეესტრიდან; საქმის განხილვის დროისა და ადგილის თაობაზე ჩაბარების დადასტურება), რომელთა მეშვეობითაც დგინდება შპს „ჩაომოტორსი 2024“-ს (ს/კ443874381) მიერ ადმინისტრაციულ სამართალდარღვევათა კოდექსის 96¹ მუხლის 1-ლი ნაწილით გათვალისწინებული სამართალდარღვევის ჩადენის ფაქტი, ელ.ენერგიის მოხმარება აღრიცხვის წესების დარღვევით. სამართალდარღვევის ოქმი შედგენილია ა.ს.კ 240-ე მუხლის მოთხოვნათა დაცვით. დაცულია ადმინისტრაციული სამართალდარღვევათა კოდექსის 38-ე მუხლის 1-ლი ნაწილით დადგენილი ადმინისტრაციული სახდელის დადების სამთვიანი ვადა.

5. ადმინისტრაციული სამართალდარღვევის საქმის განხილველმა კომისიამ იხელმძღვანელა საქართველოს ადმინისტრაციულ სამართალდარღვევათა კოდექსის 96¹ მუხლის პირველი ნაწილით; მე-10; 38-ე; 236-ე; 240-ე; 228²-ე მუხლებით; 266-ე მუხლის მე-4 ნაწილით; სემეკის სემეკის 12.08.10წ. #14 და 28.06.2021წ. #19 დადგენილებებით; ს/ს „ენერგო-პრო ჯორჯიას“ 30.06.2022წ RU2022007 წესით, 10.10.2022წ. #OR2022037 ბრძანებით და:

და ვ ა დ გ ი ნ ე:

სს „ენერგო-პრო ჯორჯია“

6. შპს „ჩაომოტორსი 2024“ (ს/კ 443874381) ცნობილ იქნეს ადმინისტრაციულ სამართალდამრღვევად ა.ს.კ. 96¹ მუხლის 1-ლი ნაწილით გათვალისწინებული სამართალდარღვევისათვის და დაედოს ადმინისტრაციული სახდელი – გაფრთხილების სახით.

7. იგივე ქმედება, ჩადენილი განმეორებით, გამოიწვევს ფიზიკური პირის დაჯარიმებას 100 ლარის ოდენობით, იურიდიული პირისა და დაწესებულების დაჯარიმებას 15 000 ლარის ოდენობით.

8. დადგენილება შეიძლება გასაჩივრდეს მისი ჩაბარებიდან/საჯაროდ გამოცხადების გზით ჩაბარებულად ჩათვლიდან 10 დღის ვადაში საქართველოს ენერგეტიკისა და წყალმომარაგების მარეგულირებელ ეროვნულ კომისიაში (მის: თბილისი, მიცკევიჩის ქ.#19).

9. სპეციალური საექსპერტო დაწესებულებისა (ექსპერტისა) და თარჯიმნისათვის ასანაზღაურებელი მომსახურების ხარჯების კომპენსაციის საკითხი:

უფლებამოსილი პირის ხელმოწერა:



კომისიის თავმჯდომარე
ნინელი ბოჭორიშვილი